

vite gaudens, in presentis vite tribulationibus patiens, necessitatibus pauperum communicans, utpote Christi discipulus omnibus ecclesiasticis atque catholicis moribus institutus. Hic etiam cum talis ac tantus esset, a deo inditamentatio infirmitatis non abfuit. Nam sicut ignis aurum, ita deus in camino tribulationis examinat iustum. Et cum in patientia probatus fuerit, coronam quam re promisit ostendit. Hic etiam plurimo annorum spacio laboravit cum podagrico dolore, ita ut ex sua virtute nihil potuisset incedere. Sed si certis horis ad ecclesiam venire voluit, illuc inter servulorum brachia ducebatur aut deportabatur. Verum etiam sanctus Philippus sui amici beneficiorum haud immemor extitit sibi apud Deum magna intercessionem pius adiutor. Nam idem abbas eius sacris intervenientibus meritis postea ita sanus factus est, ac si nulla eius pedibus unquam adhereret pestis podagra. Quid enim aliter beatus Philippus facere debuisset, qui plurimis quasi indebitis medicinam dat sanitatis, abbati debitori suo largius non daret dona salutis? Ibi enim hac percepta salute ipse abbas cepit pro sua et aliorum incolumitate usque ad finem dierum suorum Deum per sanctum Philippum laudare. Cui nunc et semper honor et gloria per omnia seculorum tempora. Amen.

Was nun im Drucke folgt¹, ist liturgischer Natur und wird an einer anderen Stelle verwerthet².

1) Die Messformularien, darunter eine Sequenz 'Laudet cantet letabunda mente voce tam iocunda Philippi sollemnia', sind in kräftiger gothischer Type gedruckt, die oben abgedruckten Theile sämmtlich in Antiqua. 2) Katholik 1898. I, Heft Jan. (oder Febr.) unter den Miscellen am Ende des Heftes: Zu den Acten des hl. Philipp von Zell.